

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

經部
第八三冊

責任編輯：孫言誠 賀 偉

ISBN 7-5333-0580-9



四庫全書存目叢書·經部八三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52.875 印張

1997 年 3 月第 1 版 1997 年 3 月第 1 次印刷

印數 1—100

ISBN 7-5333-0580-9

Z·55 經部定價：66000 圓

經部第八三冊目次

經部·禮類

周禮完解十二卷讀周禮一卷

〔明〕郝敬撰
湖北省圖書館藏明萬曆四十三年至四十七年
郝千秋郝千石刻郝氏九經解本

..... 一

周禮古本訂註五卷考工記一卷

〔明〕郭良翰撰
福建師範大學圖書館藏明萬曆刻本

..... 二七七

注釋古周禮五卷考工記一卷

〔明〕郎兆玉撰
天津圖書館藏明天啓郎氏堂策檻刻本

..... 四四八

考工記通二卷

〔明〕徐昭慶撰
北京大學圖書館藏明萬曆檀弓通考工通合刻本

..... 五九九

重校古周禮六卷

〔明〕陳仁錫撰
北京大學圖書館藏明末刻本

..... 六八五

周禮完解十二卷讀周禮一

卷

〔明〕郝敬撰

湖北省圖書館藏明萬曆四十三年至

四十七年郝千秋郝千石刻郝氏九

經解本

附《四庫全書總目·周禮完解

十二卷》提要

周禮完解

京山郝敬著 男千秋千石校刻

讀周禮

周禮非闕也而世儒以爲闕也考工記非補也而世儒以爲補也非闕而使人疑其爲闕非補而使人疑其爲補是書所以奇也五官之文直而正考工之文曲而奇人疑其裁自兩手而不知其同也是書所以愈奇也世儒謂漢儒補記謂周公作五官夫五官非聖人之作而記亦非漢儒所能補其諸六國處士之學其縱橫之言乎

周禮完解

讀周禮

世儒以六官錯雜疑其爲後人所亂如易以彖象附爻詩書以序附各篇春秋以傳附各年之類夫易詩書以類附爲便觀省也五官錯雜何爲者耶朱仲晦疑其爲草創夫官屬三百六十條分縷列無所不具獨一編次疑爲草創此求其說不得耳蓋是書取法天地四時天地之運成于五五爲參兩之合天惟五行人惟五事是書六官以配天辰十二省司空官屬以法五行而用五數非闕也曰然則宜散天官于五官可也以冬官分寄何也曰冬官主事而四時惟冬無事萬物冬藏故其官爲司空唐虞司空摠百揆卽

古之冢宰。天無爲而冢宰知始。冬無事而司空代終。故司空散寄于五官。卽冢宰兼攝乎百職也。司空兼考冢宰兼職。一也。故易數水爲天。一道家以水爲上德。終始五德。莫大乎水。是以冢宰繼天司空治水。功德同也。陽分六官以成歲序。陰省冬官以法五行。亦猶易數五而爻用六作者。以此變幻其旨。隱晦其文。蓋天所以能爲萬物主者。唯其不顯。君所以能爲萬民主者。唯其不測。不測之謂神。不顯之謂德。故乾元用九潛而勿首。此作者之意。而世儒以爲錯簡。正墮其雲霧中矣。

周禮完解

二

讀周禮

周禮之事。莫大于體國經野。擇土中。建王畿。分九服。制鄉遂。稍縣都鄙。皆地官之事也。世儒謂當移屬司空。若移屬司空。則地官不爲虛名乎。夫水土國邑。本皆地事。司徒旣爲地官。則不得不任地事。地官旣任水土國邑。則冬官之闕。亦不得不闕。非偶闕也。其餘惟有城郭宮室器用。司空自宜任之。然以之設官。不足故別記工人。以補司空。亦不得不補。非強補也。六官異事而未始不相通。四時異序而物生有早晚。氣候有遲速。造化人事之自然也。故冢宰掌百官。而司勳司祿。又不屬冢宰。司徒掌賦役。而職歲職幣。又

不屬司徒。宗伯掌禮儀。而行人司儀。又不屬宗伯。司馬掌防禦。而司門司關。又不屬司馬。司寇掌刑禁。而司隸司稽。又不屬司寇。事爲之官。官無專事。長必有貳。貳必有屬。一器一用。一泉一布。關通數職。無獨遂之權。如人一身。大小相維。四體并運。有如手持。而足不前耳聽。而目不視。則支離偏枯。失其常度矣。今欲分疏六官。變易昔人之舊。以合後世六曹之例。安知今人之是。而古人之非乎。是或一道也。

周禮完解

三

讀周禮

四時五行。造化之秘。義文作易。禹箕敘疇。皆取諸此。春秋以還。處士橫議。譚天炙轂。譎譎張揣。摩飛鉗之說。莫不援引五行。而六經道裂。實由于此。是書之作。經緯禮樂名物。綱紀治教。察其施爲次第。實根本五德。始終之意。學術源委。可得而窺矣。是書大抵欲使人主安富尊榮。崇體執要。如天運于上。而以作爲之勞。盡委于地。春佈其德。夏揚其威。秋收其利。冬考其成。名實歸于富強。而機謀主于隱密。運于九地之下。而發于九天之上。管子所以霸齊。商君所以強秦。皆是物也。

儒者謂周官之重在冢宰。不知所重實在司徒。其言曰。惟王建國。體國經野。設官分職。以爲民極。人主所

以設官分職爲土地也。爲人民也。司徒主人民。地官主土地。則是人主所持力者。無如地官司徒爲重。故其事獨煩。其屬多。五官以此。

司空掌水土。自唐虞世已然。司徒之爲地官。則自周禮始耳。雖然。非是書始也。昔者聖人作易。地水爲師。水地爲比。水藏于地。兵藏于民。其道一也。故古之治師者。寓兵于民。及戰國韜鈴之家。飾易說爲陰符。乃有奇門遁甲。八卦飛伏。隱怪恢譎之譚。是書所用。其微旨與。

人君合五官爲主造化。合五氣爲天。易曰。天德不可。

周禮完解

四

結周禮

爲首。故王無名而冢宰首六官司徒。宗伯司馬司寇如四體也。天官有統而無爲。萬物皆附于地。生長收成皆聽命于春夏秋三時。冬官無事而有終。自然之法象。非強作也。

世儒謂冢宰主爵祿。官人故其任重。不然也。古者興賢進能。爵人祿人。皆司馬之事。爵祿亦一事耳。冢宰無事不兼。故曰天官。所謂冢職也。王以官寄天。天以官寄四時。人主所以善藏其用也。故夫乾者居西北者也。西北者。無事之鄉也。

六官之屬。原無錯簡。作者意緒曉然。可尋。支千家以。

丑屬牛爲土。故地官之屬有牛。人雞司旦。故春官之屬有雞。人未屬羊。故夏官之屬有羊。人戌屬太。故秋官之屬有犬。人四畜分四官。其說本荒陋。然世儒以爲錯簡。議改訂。則非其本意矣。

世儒謂司徒掌五教。司空平水土。議改正必若此。則宗伯當爲司徒。而司空稱地官可也。今既以司徒充地官。則地官之兼水土。其義甚確。蓋世主所求多者。唯土地。而堪輿有空亡之忌。遊士滑稽。遂誣世主。因以水土合德。併歸司徒。所謂揣摩飛鉗之旨。不足深究也。

周禮完解

五

結周禮

儒者曰。六官既立。百度乃具。周公制禮之大經也。此本尚書周官。以論周禮。夫周禮六官。非尚書之六官也。周官立冢宰。司徒。宗伯。司馬。司寇。司空。未嘗分天地春夏秋冬也。設官分職。未嘗辨方正位。體國經野也。六官整齊。未嘗奪冬官之屬散之五官也。是書用尚書之名。而變幻其旨。盡天下之事。以爲官。官天下之人。以爲禮。禮云。禮云。官云。官云。乎哉。官不可以爲禮。況以爲經。禮也。

周禮隱藏冬官。錯列六屬。牢籠百世學者。卽此便是縱橫之習。詳觀其布置經營。全似管子內政。蓋其學。

本宗聖而雜以刑名功利焉可誣周公也

周禮非專為禮設也孔子曰道之以德齊之以禮有恥且格遠之以政齊之以刑民免而無恥周官三百六十惟政與刑耳如司徒之十二教宗伯之五禮訟數其物而按其蒞官行事未有教民之實蹟孝弟仁讓之實事故周禮之禮未可為禮也

禮在天地間惟三惟五父子君臣夫婦唐虞氏所謂三也益以昆弟朋友仲尼所謂五也五者天下古今常行不易所謂大經也其曰禮儀三百威儀三千奉此周旋節文斯五者而已鄭玄謂周官為經禮夫官

周禮完解

六

讀周禮

可以為禮乎大宗伯之五禮是書變換其說而鄭玄執以為周公之禮豈周公之禮又異于堯舜孔子之禮耶大抵禮教不明一壞于聖遠經殘百家補葺淆亂而失真再壞于鄭玄輩好信寡識附合以求同三壞于近代迂儒妄生疑惑紛更以亂舊學者非超然玄覽烏能自得師乎

作是書者蓋周衰好古之士不得有為技藝求試故言多摹古而雜用術數糾謬踏駁什常八九然以自鳴于百氏之林亦鐵中之錚錚者矣蓋其去古未甚遠先王規制遺文猶有存者今學士欲考古舍此何

適雖未即真喜其近似耳

凡讀書明白易簡者聖賢之大道也其煩瑣隱僻者百家之小術也周禮與大道相遠遠矣六經言道德是書專言名法六經之辭易簡是書之辭冗僻

周禮之不可為經也不在五官之錯亂而況五官本無錯亂也今儒者亟議改訂苟改訂矣周禮可遂行乎且如司徒鄉老一職而公卿大夫至下士凡一萬八千七百五十八一市之中商賈幾何司市官屬凡一百四十二人一商之肆自肆長至史二百有十人行此法也騷擾煩苛民其能堪乎此管商縱橫什伍

周禮完解

七

讀周禮

嚴密之政學者觀其節目不通其大綱事其文字不思其義理見其布置不察其謀為觀其名法不窮其源委猥以為周公致太平之書及其舛迂不通反疑為後人錯亂而不知是書之不可用者不在文辭之錯亂而在事理之踈戾其所以眩惑後世者不能掩其事理之踈戾而特譎張于文辭使人不可端倪耳今即如世儒所訂六官一一整齊按其職以設官執其數以用人六官之屬十萬糜沸蟻動官多民少豈能一朝居不深惟其事理而徒以錯亂掩其謬戾左矣

讀周禮而後知道德功利周孔管商之分。疑似之間而已。蓋綱紀法度爲治之具也。挾智用術。遂至蠅毛繭絲。煩苛百出。則是以法度搗亂天下也。權謀之家。作俑使任放之徒。借口歸咎于聖人。綱紀法度。以爲枝指懸疣。君子所以惡莠之亂苗也。自秦以前。百家橫議。苞稂害其嘉穀。自漢以後。諸儒承訛。魚目混其夜光。經術不明。其來已久。理學諸儒。自謂千古旦暮。詆空寂爲異端。而陰用二氏。默坐澄心。以爲道斤管商爲功利。而誤認周禮名法。縱橫以爲經。唯之與阿。相去幾何。是以窮經必先知道也。

周禮完解

八

讀周禮

六經者。古聖人治天下之道。是書則後世治天下之法。天下神器。可以道御。不可以計算約束。而望其必理也。聖人貴道。不貴法。後世之治。純用周禮。正貳殷輔。簿書期會。把持約束。使上下竭蹶。稟承茲猶。不敢舞其文。固固法使然。而實意。胥削虛文。相掩無事。則苟且蒙蔽。有事則頽塌。不復振法。亦無如之何矣。故孟子曰。徒法不能以自行。周禮之書。徒法而已矣。是書所言。高者不過古人名物度數。卑者則簿書。泉穀米鹽。細瑣而已。雖有仁義道德之名。歸于功利富強之實。名爲禮而實與禮無涉。學者無卓識。隨人贊

和。則千古無旦期矣。嗟夫。讀周禮而不知其非周公之書者。暗也。明知其非周公之書。而不敢質言者。欺也。聖凡雖隔。不越此心。學者求信諸心而已。

行周禮之法。平居一出一入。皆有檢押。民間一泉一布。一馬牛。一車輦。皆有稽比。閭閻隸胥。絡繹四時。會要徵求。訖無寧日。民生其世。如魚遊鼎釜。憂生理之戚。而覺宇宙之爲隘。儻周公太平之書。然與否與六官之屬。皆詳于王畿。畧于侯邦。王者以四海爲家。法令獨詳于千里之內。則是偏枯之政。霸者富強之私耳。故夫儀禮詳于士大夫。畧于天子。周禮詳于王國。畧于諸侯。謂天子以下可降。而推大夫以上可邇。而考與其實。皆衰世補葺杜撰之書。非先王之明刑也。

周禮完解

九

讀周禮

周禮之爲周公。亦猶左傳之爲左丘明也。周公未嘗爲禮。左丘明未嘗爲傳。好信者耳。食其名。爲訛而已。忠信曰周。大適曰周。始終循環。亦曰周語云。周旋中禮。豈亦謂周公中禮與。觀其言曰。惟王建國。辨方正位。以五行八卦爲方。以天地春夏秋冬爲位。五氣循環。周遊不息。故曰周術家以天闕西北爲不周之方。故是書託始于天。而闕冬象之藏。冬于地。以應坎之

鄰乾鄒衍鬼谷輩所謂終始五德之運以道術爲滑稽禮法爲詖諧故其言本備而毀以爲殘其數本條而紛以爲錯其事本顯而遁以爲隱其文本周而詭以爲不周更自名曰周禮將以濫竿于夏商二代之間而世儒信以爲周公之禮幾不爲其所揶揄也乎○學古貴通方執一隅而譚周禮宜其不解也如秋官穴氏是氏涿壺赤友之類本謂政至秋而治定功成四方皆已削平惟是籬壁之間草木蟲蟻之妖莫不皆有銷磨厭勝之術以其滑稽運其權謀未可拘拘然核其實也必執事以論官執文以求解若何而

爲此書者借古人影像鋪張自家胸臆所載典禮名物半真半贗不可質辨但覺瑣碎杜撰處多又其道尚鬼凡名法必先鬼神大宗伯掌禮鬼神事強半若先王之禮專爲事鬼設者故卜筮巫祝皆屬禮官其言荒誕違民義之訓鄭玄崇信識緯極力從臾以爲周公之作附合三代故事多爲說而終難強通善讀周禮者以周禮讀之耳不必問周公也

六官名法多因先王舊典補葺成章其間馴雅正大可通行者是先王之舊也其瑣碎拘泥煩複不近情者後人之補造也故知變通損益之宜有玄覽獨照之識然後可與言周禮不然則其制天下也少而其害天下也多

按是書所詳者名數而名數不可盡拘也六官之屬三百有六十其人凡七萬有奇無常數者尚不與焉則是王朝庶官日食十萬人以推之列國一一按法用人盡天下之人以爲官亦不足矣蓋其所言不在人而在官不在官而在法因數之多寡以誌事之輕

重借官之秩序以寓法之詳委其所記典故名物不必皆有而時或杜撰以足數其言若迂濶而究其旨有所切指其名似懇款而按其事不必實用所言在此而意或出于彼要者及畧而其不要者反詳如司馬諸職多爲軍伍設而職目所云多非其正司寇之屬多隱語司徒治地居民大抵與司馬相表裏皆縱橫押闔之法善讀者觀其大綱布置以會通其旨至于目中隱顯出沒旁及其餘而不直指其端者亦可因一隅而窺其全矣

讀是書者觀五官布置經緯錯綜之意脩內謀外藏

鋒蓄銳之機今行禁止除姦剔蠹之法課功計吏勵精振作之權理煩治劇通明練達之識秦漢而降論吏事未有能過之者若夫區區辨六曹之職掌訂簡編之殘闕是守章句之鄙儒抱案牘之迂吏烏足與譚周禮乎

從古有治人無治法所謂人者非取備數而已周官之屬多至十萬豈先王爲政在入之意孔子曰爲政在人取人以身脩身以道脩道以仁是書但知用人而不務取人之本但知官備則政立而不思人得然後官舉苟徒具官而不察其人人愈多而官愈冗官

周禮完解

十二

諸周禮

愈冗而事愈廢以此望治不可得已

世儒稱周禮精詳其實鶻突如大宰之八法八統九式九兩六敘八成六計司徒之十二教十二荒政大宗伯之五禮司寇之五刑士師之五禁五戒皆徒有其名而不詳其施行如司服之五冕五弁司弓矢之六弓四弩八矢王弧夾庖唐大之類亟數其物而不詳其制使後世訓詁之士懸空猜度猜度不中說曰古有是禮今亡矣而不知古亦未必有是禮也前人杜撰作之後人杜撰解之今人又以杜撰改訂之嗟夫五齊三醴之說未明而議裸獻豕彘楊襲之說未

明而議服色禘祫朝廟之說未明而議祭享并牧之說未明而議賦役耳食鄭康成之陋而議考訂五十步百步可笑等也

周禮之要在體國經野故其任莫重于地官宅土中以建王畿制鄉遂稍縣都鄙以治內分侯甸男采衛蠻夷鎮藩以治外內爲井邑丘甸以正其賦比閭族黨以居其民伍兩卒旅以寓其兵外爲朝覲會遇三年五年六年之期以序九服此周禮之大端也故鄭康成謂爲周公既營洛邑作此以授成王然則皆周家已試之成法乎而考成王盛時未嘗一日都洛也

周禮完解

十三

諸周禮

周之都洛自平王始平王都洛而周道衰矣諸侯不朝王政不行六百里之畿封安所得鄉遂都鄙井邑丘甸之法朝覲會同九服時見之禮體國經野託諸空言而設官分職亦可知已作者以意見揣摩世儒以爲實然豈非好信之過乎

周禮非聖人純粹以精之書然作者雄材大畧亦自不可當質有瑕玢文有純駁理有是非事有得失自其本來鄭康成妄擬周公世儒闕然附和過紕繆輒歸咎于後儒之錯亂嗟夫後儒何能措一手也謂後儒措手而亂之已非矣又謂後儒措手而改訂之其

將能乎朱元晦篤信好學志大識短欲考正六經而其爲周易本義疎淺無當改毛詩古序篇篇成錯晚議變置三禮割記以附經未果而世儒承旨園莽磔裂毀前人之舊章違作者之初志譬如補器始猶微罅今支離破碎不復足觀矣昔人所謂可痛哭流涕者也

說者謂六官闕司空以考工記補之今觀其書蓋胎合原非增補其辭氣矯然先秦戰國風調漢興陸賈諸人不能辦而求諸建元以後愈不合矣自是本初決非添設就使添設亦卽作周禮者有意爲之非後

周禮完解

十四

讀周禮

人所能辦也其器卽五官所用之器其法卽五官所共守之法五官之屬三百三十有六記之工二十有四合之適滿三百六十五官之屬闕十一而記之工闕六謂爲偶兩抑何其天然符合也戴記曲禮下篇亦有五官六工之說與是書正同故周禮非闕考工記非補所以小變其體者如樂終亂之以武如六師振旅正出奇歸以極文章之變使周禮無記五官方幅何異除目是書所以變而愈奇也周禮有考工記亦猶儀禮諸篇終各繫以記也世儒不疑儀禮之記爲添補何獨于周禮疑之至戴記四

十九篇世儒欲以分附諸禮非其記者欲強爲記以附經其爲記者又欲離經以割記顛倒疑惑記無定識徒爲智者所竊笑耳

術家之事尚陰謀故周禮精神全注于冬官夫人日用而不知者惟器爲然易曰形乃謂之器成而用之謂之法民咸用之謂之神孟子謂一人之身而百工之所爲備五官之事誰非工也故其言曰國有六職百工居一藏神于器也冬水司令而水反涸天下之物柔而善藏者惟水天一生水乾初主潛故司空主事而無事周禮之秘在司空

周禮完解

十五

讀周禮

朝廷之事莫非工也國家之用莫非器也工以人代天器以用前民凡記所列城郭宮室車旂弓矢戈戟鐘磬筭簋玉帛之類六官禮樂征伐咸用之器具矣六官分布其體考工閱實其用有官無考則其器若官具而器不中程則其工曠是以有五官不可無考工也六官名屬次第如春秋之有經詩書之有古序一書之綱領也舊本置之篇端後儒疑有錯誤不知其所經營正在此至于各職繫事如綱之有目吳幼清考訂三禮削而不用讀其職事而不知其官爵之崇卑

人數之多寡與夫宦寺婦女工賈奚奴之異何以辨其職事哉宋元晦改詩序點易序卦其微與此同今引以貫各職之前為綱分繫其事為目庶讀者便觀省焉

凡禮者義而已古今不同時而禮可以義起三禮所載不必盡同損益之義百世可知學者兩端用中較若畫一苟穿鑿比擬如前之為訓詁者既非妄臆改訂若今之為考註者尤謬斷鶴之頸以益鳧裁狗之皮以補貂豈惟喪其舊觀亦且乖其常理不知而作其斯之謂

周禮完解

卷一

十六

禮記

鄭康成解周禮多紕謬有本文明白易曉而註反牽強不通者如天官掌次設皇邸皇者美大之稱也鄭註云染鳥羽象鳳凰色為屏風王府云王之獻金王兵器良貨賄本謂王所受諸侯之獻也鄭註云王作以獻諸侯小司徒職云凡征役之施舍施謂加役舍謂免役故論語云君子不施其親謂親者免役也顏淵曰勿施勞謂不以勞役加人也故國語云聖人之施舍也議之鄭註施作弛牛人職云祭祀共其享牛求牛以授職人而芻之本謂祭享用牛求牛之純全者授充人芻養待用也鄭云享牛祭日用之求牛明

周禮完解

卷二

十七

禮記

日繹用之則是二牛也地官司市云條師之禁商賈民工各十二天較分數然耳鄭謂為四十八禁引王制不粥于市等語實之外少十二以為未聞天官凡嬪世婦女御本皆職官內臣也鄭以分奉王寢半月而週后土本卽社神鄭謂句龍為后土死而配享于社非卽社也秋官士師祭勝國社稷為之尸本謂刑屬金殿全周人德勝之故以刑官為亳社尸鄭謂為為畧之春官掌客諸侯饗禮十有二牢本謂諸侯饗天子數用十二鄭謂為王饗諸侯秋官閭隸云掌子則取隸焉本謂閭隸掌養鳥子公用鳥子則取于閭隸鄭謂王之世子取隸卒秋官大司寇禁民獄訟訟有罪卽是獄鄭謂以財相告為訟以罪相告為獄秋官蜡氏掌除骺蜡卽八蜡之蜡與魚腊之腊通骺貉之乾者為腊鄭變作蠅蠅之蛆司烜氏掌火烜卽詩赫今烜今之烜火明也鄭變作衛侯燬之燬庶氏掌除毒蠱庶者淫可之意鄭變作藥煮之煮春官甸祝祠牲祠馬祠與禱同祈也詩云既伯既禱既差我馬謂禱牲求獲禱馬求健鄭變禱作伏誅之誅秋官掌囚云中罪桎桎械在頸曰桎如春秋傳宋樂轡以弓戲桎華弱周易童牛之牯皆在首也鄭謂在足為桎

秋官士師荒辨之法令民通財糾宇緩刑治獄訟卽是辨治凶荒之法鄭謂辨作貶冬官桃氏爲劔設其後謂手所把之後設首也鄭訓設爲大賈氏因引易長裕而不設附會之畫續之工山以章本謂山高設色宜章明也鄭謂章作璋畫山當畫璋天官大宰懸治象揆日而敘之挾與夾同間一日謂之挾蓋三日也鄭變挾作挾天官九式曰匪頒之式匪與斐同文貌詩云有匪君子細而均故文鄭變匪作分宮人職云除其不錫錫潔也鄭因儀禮圭爲而哀薦之語變錫作圭冬官弓人云弓有六材維幹強之張如流水

周禮完解

十六

詩周禮

維體防之引之中參維角茅之六語三韻二句相連鄭以維幹強之張如流水爲句解云無難易也維體防之引之中參爲句解云納繁中也凡此之類豈非文義本明白而鄭解反不通者乎亦有文義不明而鄭誤猜者如地官媒氏職云禁遷葬者與嫁殤者本謂夫妻合葬信堪輿之說改域別遷男女幼未可婚信祿命之說早嫁免殤皆非禮也而鄭謂生非夫婦死相從爲遷葬女未嫁死與男合葬爲嫁殤天官內饔職云馬黑脊而般班臂螻按內則螻作漏馬蹄瘡如螻孔曰漏螻螻也鄭謂馬肉螻姑臭又殤醫職云

腫瘍之祝藥祝斷落也猶祝髮之祝凡瘡歷落則痊鄭變祝作注地官族師春秋祭醯醢醢也合出錢飲酒曰醢卽漢法賜大醢鄭變醢作步爲馬祟之神也地官遂師大喪及窆抱磨古者窆用甕磨確用之王莽則遂師抱磨示躬役也鄭變磨作歷謂抱策歷數執紼人名也冬官王人大圭杆上終葵首杆杵同猶輪人爲輪行澤者欲杆之杆謂圭形上刺而圓如杵終葵卽爾雅所謂繁露本草謂之冬葵卽終葵冬終也今之黃葵秋開者其花葉大得露多故稱繁露葵性朝日葩下天子爲道揆之首故刻葵圭首猶葵蕭周禮完解

九

詩周禮

也車行疾聲詩云殷其雷鄭解殷作橫行又車人云車渠渠與規通謂輪迴迴也鄭謂渠爲輪牙又弓人云弓而羽殺凡弓隈曲處稍薄曰殺弓杼無力則兩隈勁搖如鳥羽也鄭變羽作扈又弓人斲目欲茶茶茅秀和柔也故玉藻諸侯笏之不挺直者爲茶木節挺直斲之使茶鄭變茶作舒玉人駟琮七寸天子以爲權駟之言粗也市僧之稱駟善評物價故權物之琮謂之駟琮鄭變駟作組如此之類皆文義不明而鄭遂誤猜者也其他不及枚舉附見各章

周禮完解

二十

禮記

周禮官職實錄

天官之屬實六十有三

大宰 小宰 宰夫 宮正

官伯 膳夫 庖人 內饔

外饔 亨人 甸師 獸人

獸人 鼈人 腊人以上第醫師

食醫 疾醫 瘍醫 獸醫

酒正 酒人 漿人 凌人

邊人 醢人 醢人 鹽人

冢人 宮人 掌舍 幕人

周禮完解 卷目

一 卷目

掌火 大府 王府 內府

外府 司會 司書 職內

職歲 職幣 司裘 掌皮

內宰 內小臣 閭人 寺人

內豎 九嬪 世婦 女御

女祝 女史 典婦功 典絲

典枲 內司服 縫人 染人

追師 屨人 夏采以上第

地官之屬實七十有八

大司徒 小司徒 鄉師 鄉老

鄉大夫	州長	黨正	族師
閭胥	比長	封人	鼓人
舞師	牧人	牛人	充人
載師	閭師	縣師	遺人
均人	師氏	保氏	司諫
司救	調人	媒氏	司市
質人	廋人	胥師	賈師
司號	司稽	胥	肆長
泉府	司門	司關	掌節
遂人	遂師	遂大夫	縣正
周禮完解 卷目 二			
鄧師	鄧長	里宰	鄧長
旅師	稍人	委人	土均
草人	稻人	土訓	誦訓
山虞	林衡	川衡	澤虞
迹人	什人	角人	羽人
掌葛	掌染草	掌炭	掌荼
掌廩	圉人	場人	廩人
舍人	倉人	司稼	春人
饌人	橐人	以上第一卷 四卷	
春官之屬實七十			

大宗伯	小宗伯	肆師	鬱人
鬯人	雞人	司尊彝	司几筵
天府	典瑞	典命	司服
典祀	守祧	世婦	內宗
外宗	冢人	墓大夫	職喪
大司樂	樂師	大胥	小胥
大師	小師	瞽矇	眡瞭
典同	磬師	鐘師	笙師
鐸師	鞀師	旋人	箒師
籥章	鞀鞀氏	典庸器	司干
周禮完解 卷目 三			
大卜	卜師	龜人	巫氏
占人	菴人	占夢	眡祲
大祝	小祝	喪祝	甸祝
詛祝	司巫	男巫	女巫
大史	小史	馮相氏	保章氏
內史	外史	御史	巾車
典路	車僕	司常	都宗人
家宗人	凡以神士者 以上第一卷 六卷		
夏官之屬實六十有五			
大司馬	小司馬	司勳	馬賁

量人	小子	羊人	司燿
掌固	司殮	倅人	環人
挈壺氏	射人	服不氏	射鳥氏
羅氏	掌畜 以上第七卷	司士	諸子
司右	虎賁氏	旅賁氏	節服氏
方相氏	大僕	小臣	祭僕
御僕	隸僕	弁師	司兵
司戈盾	司弓矢	繕人	橐人
戎右	齊右	道右	大馭
戎僕	齊僕	道僕	田僕
周禮完解	卷目	四	卷目
馭夫	校人	趣馬	巫馬
牧師	廋人	圉師	圉人
職方氏	土方氏	懷方氏	合方氏
訓方氏	形方氏	山師	川師
蓬師	匡人	擇人	都司馬
家司馬 以上第八卷			
秋官之屬實六十有一			
大司寇	小司寇	士師	鄉士
遂士	縣士	方士	訝士
朝士	司民	司刑	司刺

司約	司盟	職金	司厲
犬人	司圉	掌囚	掌戮
司隸	罪隸	蠻隸	閭隸
夷隸	貉隸 以上第九卷	布憲	禁殺戮
禁暴氏	野廬氏	蜡氏	雍氏
萍氏	司寤氏	司烜氏	條狼氏
脩閭氏	冥氏	庶氏	穴氏
翊氏	柞氏	薙氏	砮族氏
翦氏	赤友氏	蜎氏	壺涿氏
庭氏	銜枚氏	伊耆氏	大行人
周禮完解	卷目	五	卷目
小行人	司儀	行夫	環人
象胥	掌客	掌訝	掌交
朝大夫 以上第十卷			
冬官工人實二十四			
輪人	輿人	輶人	築氏
冶氏	桃氏	鳧氏	栗氏
函人	鮑人	鞞人	畫績
鍾氏	愰氏 以上第十一卷	玉人	磬氏
矢人	陶人	旒人	梓人
廬人	匠人	車人	弓人 以上第十二卷